



31. august 2009

Inatsisartut suleriariusianni § 36, imm. 1 naapertorlugu Naalakkersuisunut apeqqutit imaattut matumuuna saqqiummiuppakka:

**Aviisit nassiussortarneranut immikkut tapiissutaasarteq Naalakkersuisunit atorunaarsinniarneqarnerata kinguneranit Naalakkersuisut isumaqanngillat tamat oqartussaanageranut isummersinnaanermullu killiliinerusoq?**

(Inatsisartunut ilaasortaq Aleqa Hammond, Siumut)

**Tunngavilersuut:**

Naalakkersuisut ataatsimiinneranni juulip 23-anni 2009-imi aaliangiunneqarpoq aviisinut nassiussuinerimi immikkut tapiliutaasarteq januaarip aallaqqaataaniit 2010-miit atorunaarsinniarneqarteq. Inuiaqatigiit tamat oqartussaaqataanitsinni naalakkersuisunikkut pissutsit, inuiaqatigiinni oqallisigineqartut, isummersuutit, kulturi, nunatsinni pisut aammalu nunarsuarmit akornanni pissutsit aviisitigut malinnaaffiginerisigut peqataatinneqartarpugut.

Aviisi tassaasussaavoq tamat oqartussaaffiat ataqqillugu tamanillu pisiarisinnaaqqullugu aammalu naalakkersuisunikkut illersorneqarluni tamanut siaruarterneqarnerani illersorneqarteq taassumami ersisissammagu nunami aqutsinikkut qanoq annertutigusumik inuiaat tusagassiuutitigut malinnaatinneqarnerannut ataqqinneqartiginersoq. Nunatsinni isorartoqisumi inukitsumilu immikkut nassiussuinerimi tapiissuteqarteqartarnera pisariaqartinneqartuarallassaaq.

Tapiissutaasartup atorunaarsinneqarnerani atuartartunut timmisartukkut nassiussorneqarnerani 143%-mi akisunerulersumik kinguneqassaaq aammalu illoqarfiup iluani nassiussuinerimi 138 %-mik akisunerulissaaq. Akitsorujussuarnerata kinguneratigut atuartartut ikilineranik kinguneqarsinnaavoq, aviisit tunineqartut ikilippata ingerlatsineq annikinnerulersinnaavoq ajornerpaamillu kingunerisinnaasaa tassaavoq inuiaqatigiinni tamat oqartussaanageranut tunngatillugu isummersornerit annikinnerulersinneqartut.

Aviisit akitsorujussuariaaarneqartussanngussapput allatut aaqqiisoqanngippat. Naalakkersuisut isumaqanngilasi tamat oqartussaanageranut isummersinnaanermullu killiliinerusoq?